

Date – 15/09/2025

Time - 07:30 -07:40Hrs

AKASHVANI AIZAWL

REGIONAL NEWS BULLETIN

HEADLINES (MORNING)

1. **Khaw chhia leh leimin avangin Champhai District a East Tuipui Assembly constituency-ah zirna in te vawiin hian khar a ni ang.**
2. **Aizawl leh Silchar inkar kawngpui a chhiat avangin nitin lirthei tangkhang engemaw zat a a la awm reng.**
3. **Nimin khan Prime Minister Narendra hian Assam-a Golaghat district ah bamboo-based ethanol plant leh Polypropylene plant a hawng.**
4. **Nepal sawrkar chuan September ni 8 leh ni 9 a lungawilohna an lantirnaa thi te chu martarah a puang.**

<><><>

WEATHER

Khaw awmdanin a zir loh avang leh leimin in hmun tam takah kawng a hnawh pin avangin Champhai District Bawrhsap chuan Sikul naupangte an him zawkna turin vawiin hian Champhai District a East Tuipui Assembly constituency atan School chawlh a puang

Thuchhuah a siam danin kar kalta ni 12 atangin ruah nasa taka sur avangin, Khawbung RD Block, Champhai District hmun eng emaw zat ah leimin leh chhiatna hrang hranga thleng a, hei hian nunphung nasa takin a ti buai a. Tunah pawh ruahsur belh reng thei a nih thu leh harsatna nasa zawk thleng thei a nih thu Zonal Officer, Khawbung Zone, DDMA, Champhai District & BDO, Khawbung RD Block a tanga thu dawn a ni.

Hei vang hian Khawbung RD Block, Champhai District huam chhunga zirna In zawng zawngte chu zirlai naupangte him zawk nan khar vek turin hriattirna a chhuah ta a ni.

Inrinni zan leh Pathianni zing lama ruahsur nasa avangin Kolasib District chhung hmun hrang hrangah harsatna a thlen thu dawn a ni bawh a. Hriat theih chinah Kolasib Project Venga Fast Track Court building thar sakna thlang lam Dumlui zau kawng; Sericulture Demonstration Farm bula Kawng chhak lam lei min chuan Kawng a hnawh a, nimin tlai thleng kha chuan Lirthei eng chi mah a kal tlang thei lo. Leimin hi building satute tui paihna mumal lo leh tuihawk luankawr mumal loh vang ni a thudawn a ni.

Saihapui ‘K’ khaw chhung inkal pawhna Thir Lei (bridge) innghahna a min nasat avangin lirthei kal tlang theih a ni lo. He Lei hi Balu lakna Kawng pawimawh tak a ni.

Saiphai leh Phainuam inkar NH-306A ah nizan khan lei a min a, niminah khan Contactor Bhavia Constn Company te’n an thian fai nghal a ni. Kawnpui leh Hortoki inkar, Kawnpui Venglai thlanmual thlang Kualmawi bul ah lei a min baw a, lirthei LMV chin a tlang thei ni a thudawn a ni.

Vairengte VC III huamchhunga IOC ah lei a min a, In pakhat chu luah zui ngam a ni lo. Vairengte VC IV huamchhunga State Vengah pawh lei min vangin harsatna an taw baw.

<><><>

PM – ACT EAST

Prime Minister Narendra Modi an Mizoram chu Act East Policy hlawhtlinna atana kawng pawimawh tak a ni tih a sawi.

He thu hi Inrinni a Bairabi-Sairang rel kawng a hawnna ah sawiin PM Modi chuan Kum 11 chhung hmarchhak bial hmasawnna tur atan theihtawp an chhuah thin a ti a, kum rei tak chhung chu inkalpawhna leh inbiakpawhna kawng a awlsam lo thin tih sawiin hemi kawngah hian hun rei tak Mizoram chuan hmathlir nei mahse hmasawnna a thlenglo a ti a, tunah chuan NDA sawrkar hnuaiah hmasawnna a awm tih sawiin hmarchhak bial hmasawnna chu ram hmasawnna a ni tih a sawi.

PM Modi chuan Kaladan Multi-Modal Transit Transport Project leh Sairang atanga Hmawngbuchhuah inkar rel kawng chu chu Act East Policy hlawhtlinna atana kawng pawimawh tak ani tih sawiin Mizoram chu rampawn te nen insumdawn tawna ah hmun pawimawh tak ani dawn a ti a, Bay of Bengal leh South East Asia ten nen Mizoram chu a inpawh thei tawh dawn tih sawiin hei hian sum hailuhna kawng hrang hrangah state chhunga mipuite hlawkna a siamsak dawn tih a sawi.

<><><>

HIGHWAY

Aizawl leh Silchar inkar kawngpui dunga Buichali leh Kawnpui kawngpui chu a chhe hle a, nitinin lirthei tangkhang engemaw zat a a la awm reng.

Mizoram Truck Driver Association (MTDA) president Pu H. Laldingliana’n Akashvani Aizawl a hrilh danin kumin chawhma lama a chhe zual lai an siamthat Buichali leh Kawnpui inkar chu a chhe leh deuh vek tawh a. Tun hnai mai-ah pawh truck tlu a awm leh nual tawh bakah Aizawl leh Kawnpui inkarah ringawt hian ni 4 ni 5 te hun an hmang thin niin Pu H. Laldingliana chuan a sawi a. NHIDCL kuta hlan a nih hnu hian a khuar lai hnawh zel an tum thu an sawi na-in an thawk meuh lo ni-in a sawi a, sorkar pawhin a nawr zui lem lo ni a an hriat thu a sawi. He tianga kawng hi a chhiat reng chuan tlan lohte pawh an tintuah leh tawh niin a sawi a. Khu lai an kaltlang chuan an truck-te chu siamthat a ngai nasa thei hle niin a sawibaw.

Tun dinhmunah lirthei tangkhang a la awm reng a. Tukin dar 8 leh a chanve thleng khan Kawnpui atanga Aizawl lam pan truck 538 rawn chhuah a ni a. Sairang peng leh Khamrang inkar atanga Kolasib leh Silchar lam pan

truck ruak 81 chhuah a ni bawk a. Lirthei tangkhang chhuah zat hi a vai-in 619 a ni a. He tih lai hian lirthei la tangkhang mek hi Khamrang ah Assam pan tur truck 234 a awm a, Aizawl lam pan tangkhang erawh chu tukin zing kha chuan a awm rih lo a ni.

<><><>

LADC BJP

Prime Minister Narendra Modi-a'n Mizoram a tlawh chu Lai Autonomous District Lawngtlai BJP President Pi Lalhruaitluangi Vandir chuan Lengpui tumhmunah lo hmuakin, LADC mamawh hrang hrang Prime Minister hnen ah a thlen.

Pi Lalhruaitluangi Vandir chuan PM hnenah hian LADC-ah CEM, Pu N.Zangura BJP kaihruai sawrkar din thu te, sum indaihlohna nasa tak LADC Sorkar in a neih thu te hun chep tak karah thlenin, Prime Minister Special Package pe turin a ngen a. Prime Minister chuan Pi Lalhruaitluangi Vandir chu Delhi ah kal a, mamawh an neihte sawidunpuiah a sawm a. Pi Lalhruaitluangi Vandir chuan Memorandum pahnih, "Sixth Schedule (125 Amendment Bill) chungchang leh Prime Minister Special Package dilna lehkha chu Prime Minister hmuhturin a thehlut nghal.

Pi Lalhruaitluangi Vandir chuan hun remchang hmasa berah an lehkhate bawhzui turin, Prime Minister in a sawmna angin Delhi kal a tum thu a sawi a. Prime Minister hmuah leh dawnawmna-ah State BJP hotute kaltlanga Lengpui Airport a ruahmanna a hun remchang siamsak a ni chu lawmawm a tih thu a sawi a ni.

<><><>

GST

Tun thla ni 22 atanga hman tan tur GST 2.0 chuan hmasawmna ruhrel din kawngah nasa takin awlsamna a siam rin a nih thu mithiam ten an sawi.

Pachhunga University College, Economics Asst Professor Dr Vanlalhruaitluanga chuan kan corr zawhna chhangin, GST reform hnuaia thil man chi 300 chuang tih tlawm a ni tur chuan, hmasawmna ruhrel dinna a awlsam phah dawn a, foreign direct investment nasa takin a hip tura beisei a ni a, khawvel huapa company lar te a hip rin a ni a, hei hian India mite tan hnathawh tur a siam bakah, heng company lo lut tur te chhiah hi ramchhungah hman a ni leh dawn a ni a ti.

Dr Vanlalhruaitluanga chuan GST hrim hrim hi India chuan a hlawkpui tawh tih sawiin, GST awm hma chuan chhiah lak thuah a nasa em em a, hei hian thil man a ti to a, GST hnuaia erawh thil man a tlawm phah a, tunah phei chuan GST 2.0 hnuaia chuan nasa zawkin mipuiin an chhawr dawn a ni a ti.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

LUNGLEI HIGHWAY

Lunglei Dist ah pawh National Higway laih avangin harsatna a thleng chho mek a, Lunglei Theiriat veng chhung ah thla 1 chuang chu nitin deuh thaw lirthei an tang thin a, helai kawng paltilanga Pisa kai, Sikul kal leh sumdawnna thila vei vak thin, Local Council panga, Zobawk N, Zobawk S, Lungpuizawl, Hrangchalkawn leh Theiriat mipuite nunphung a khaihlak nasain, heng veng 5 te bakah Chhim lam Lawngtlai, Siaha pan tur leh Chhim lam atanga Lunglei pan tur khualzin tamtak tangkhang thinin,dam lohna thila Damdawi In pan tum te leh Lunglei Bazara inpho thinte pawhin harsatna nasa tak an tawh mek a ni.

YMA Theiriat Branch Secretary Pu H. Zorinmuana chuan National Highway sial that leh laih zauh hna chu an vengin an tuar nasa hle tih sawiin kumin fur ruah surna chuan an veng chhung hmun engemawzatah kawng a ti chhia a ni a ti.

Theiriat Local Council Chairman Pu S. Lalsanglura pawhin an dinhmun chu District thuneitute hnenah leh BRN Company te hnenah an thlen thin tih sawiin BRN Company an khirh lutuk chu an harsatna ber leh, an mutanber a ni a ti. Hna an thawh leh zel na turah mipuiten harsatna an tawh tawh loh nan, an veng huam chhungah Sub Contractor inrawlh an rem ti dawn tawh lo tih sawiin kawng chhak lam an lai zau leh a nih pawhin an laihna chin a piangah retaining Wall siam tir nghal zel an tum thu leh an duh ang ngawta hnathawh tir an tum tawh loh thu a sawi.

<><><>

PM MODI

Nimin khan Prime Minister Narendra hian Assam-a Golaghat district ah bamboo-based ethanol plant leh Polypropylene plant a hawng. Thusawiin Pu Modia chuan Indiain mahni intodelh Atmanirbhar Bharat ni turin kawng a zawh mek a ti a. Assama bio ethanol plant hawn chu Assam tana hun chhinchhiahtlak tak anih thu a sawi a ni.

Prime Minister Narendra Modia chuan vawiin hian Kolkatta-a India Eastern Command ah Combine Commanders Conference a hawng dawn. He CONference hi tunthla ni 17 thleng neih a ni dawn a. He hunah Defence Minister Rajnath Singh pawh a tel dawn a ni. Prime Minister hian nimin tlai khan Kolkatta a thleng a ni.

<><><>

NEPAL

Nepal sawrkar chuan September ni 8 leh ni 9 a lungawilohna an lantirnaa thi te chu martarah a puang. Prime Minister Sushila Karki chuan he thu hi puangin mitthi chhungte hnenah hian zangnadawmna cheng maktaduai khat pek a ni ang a ti.

Puan tawh angina India chuan Nepal ah Interim Government a ding tur chu lawmawm atih thu a sawi. Social Media lamah PM Narendra Modia chuan Nepal Prime Minister atana ruat lailawk Pi Sushila Karki chu duhsakna a hlan a ni. Nepal President Ramchandra Paudel chuan an rorelna sang ber House of Representatives chu a thiat a. Prime Minister thar thurawn anga thutlukna hi siam anih thu sawiin nakum March ni 5 ah inthlanpui buatsaih a ni ang a ti.

Puan tawh angin Nepal Chief Justice hlui Sushila Karki chu Nepal sawrkar lailawk Prime Minister atan ruat a ni a. Nepal ramchhungah eiruk dodalna avanga buaina nasa tak a chhuah hnuah PM KP Oli chuan a nihna a bansan a. Sawrkar lailawk din niin hmeichhe Prime Minister hmasa ber atan Sushila Karki hi ruat a ni a. Lungawilohna lantirty Gen-Z te leh President Ram Chandra Paudel leh Army Chief Ashok Raj Sigdel te an inbiak hnuah inremna hi siam a ni. Pi Karki hi Nepal hmeichhe CHief Justice hmasa ber niin kum 2016-2017 chhung khan he hna hi a chelh a ni.

<><><>

SEVA PARV

Mipui rawngbawl leh sawrkar inrelbawl na tha tih thupuia neiin Prime Minister Modia sawrkar chuan Environment leh chhehvel thilnung humhalha tihmasawn turin kawng tam takin hma a la a. Hmanlai Vedic lekhhabuin a sawi a angin he lei hi min hringtu nu ber a ni a, keini hi a fate kan ni a. India chuan environment humhalh a, him taka an awm theih nan kum 11 kalta chhungin Prime Minister Narendra Modia hoin hmanlai inzirtirna te chu nghet taka zui a ni.

<><><>

GST

Prime Minister Narendra Modia'n kumin Independence Day lawmnah GST chhuan thar hman a nih tur thu a puang a. Hei hi tun thla ni 3 a GST Council thukhawm chuan a taka rawn ti puitlingin chhiah lak dan chhawng li ni thin chu chhawng hnihah titlemin awlsam zawkin a rawn siam danglam a. GST zaa 5, 12, 18 leh 28 a lak thin chu zaa 5 leh 18 ah tihhniam a ni a. Mi naran leh mi nawlpuite tana hlawkna thlen thei tur berin he GST hi siamrem a ni.

GST thar hian retail price a ti hniam dawna. Hei hian mipui nitin ei leh ina sum sen a ti tam dawn a. Helama sumdawng leh sum peipungtute tan hlawkna tam tak a pe ang. Lucknow aawm Pankaj chuan GSat chuan r h chuan sawrkarin he GST thar hmang hian phurrit tam tak a chhawk dawn tih a sawi.

<><><>